



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三八〇

拜經樓詩集十二卷拜經樓詩集續編四卷拜經樓詩集再續編一卷 吳 騫撰 一

愚谷文存十四卷 吳 騫撰 一八五

愚谷文存續編二卷 吳 騫撰 三三五

珠樓遺稿一卷 徐 貞撰 三六一

雨堂詩鈔二十二卷（河干初集一卷花筇小草一卷鵲啼集一卷吳淮帆影集

一卷棲霞遊草一卷人境集一卷山色江聲集一卷出峽吟一卷木蘭花影集

一卷三醉吟偶存一卷二武集一卷懷人吟集二卷浮青剩艸後漁集一卷陟

黔集二卷春江返櫂集一卷杜情集四卷另集一卷）雨堂雜著五卷（紅蕉

山房文集四卷樵史一卷） 郁長裕撰 三六九

拜經樓詩集

拜經樓詩集序

中華書局上海

余耳海寧吳君槎客名久矣方余備兵浙西聞海塘至尖山槎客逐余道左相見古廟中言所居近欲邀至其家所謂拜經樓者屬以事牽不果往既而槎客數過余余每邀之游西湖之上流連詩酒極歡前年余移官楚南槎客偕查秀才梅史以詩送余別後往還書問不絕必附以詩綢繆款曲之誠皆見於篇什比今年歸自湖湘同游硤石之東西兩峯游罷輒作詩酬答如是者余與槎客交亦既數年而槎客之所謂拜經樓者卒未之至也無何槎客書來啓視則郵拜經樓詩集至凡若干卷余雖未至拜經樓而先交其人又讀其詩不已如登拜經樓耶槎客善治經故以拜經顏其樓并以名集海內老宿如盧學士抱經王光祿西莊錢宮詹竹汀諸先生槎客皆嘗與之游其可傳當不獨詩今其詩集宮詹序之而槎客復徵序於余者以余實知槎客固不可無言也槎客詩才情颺發詞旨鏗鏘至詩之爲道與經學通與夫槎客詩之所以工則見於宮詹之序不復道余故述數年來與槎客交游之雅序而還之槎客老矣不能數數見余方謝病閒居終當詣其廬一登拜經樓再與槎客論詩槎客其許我不

拜經樓詩集序

愚谷藏書

嘉慶七年嘉平月既望無錫秦瀛

拜經樓詩集序

愚谷藏書

拜經樓詩集序

海軍吳君槎客博文瞻學著述等身早歲卽以詩名湖海間旣而聚書數萬卷寢饋其間顏所居之樓曰拜經蓋取東莞臧氏之例樓所儲書百氏具焉獨言經者統於尊也頃歲錄生平古今體詩手自編定爲卷一十有二名之曰拜經樓集寓書求序於予且告曰僕編彙時客有舉滄浪語以相難者謂詩有別才不關於學春華秋實理不得兼賈孔無韻語溫李非經師今子從事於詩而兼好經術吾懼其兩失之也僕未有以應乞予一言以解兩家之結予听然笑曰詩固與經異趣耶未有經先有詩詩三百篇皆賢士大夫咏歌性情之作自古有賢士大夫而不說學者乎卽其間有羈人思婦之詞而聖人取而列之以爲經則皆不詭於經者也經有六而詩居其一舍經卽無以爲學詩與學果有二道乎哉先正朱檢討之言曰詩篇雖小技其源本經史別才非關學嚴叟不曉事斯可謂先得我心者矣古人詩卽爲經自唐以後乃以小技名之非技之小也詩人自小之耳風雲月露之狀日出而不窮賢士大夫之才日用而不竭今之性情由古之性情也何有大小之區分乎槎客之詩根柢厚而性情正詞必已出而不入於俚俗言

拜經樓詩集序

愚谷藏書

必擇雅而不流於姚冶固將斬至於學人之詩而不詭
於經者也彼哉滄浪子以一孔之智輒議論古人長短
援引禪語焚惑聽者祇見其未嘗學問而已既以復於
樸客復次其語爲之序云

嘉慶壬戌十月望日竹汀錢大昕書

拜經樓詩集序

愚谷藏書

拜經樓詩集序

愚谷藏書

余幼學爲五七言詩有啗於旁者曰子其窮矣余笑語
客此窮而後工之說也而亦知歐陽子所謂窮乎其人
蓋嘗薄宦有祿於朝由醴雞之養窺之其猶在窮達間
者也若夫建牙持節出入將相亦時焉而已而尚未知
窮而烏知詩比年事益長大見知名之士大率飢寒困
頓有鬱紆無聊之態米鹽凌雜皆足以汨亂其神明而
摧沮其志氣使之不得專一於所業夫是以窮既甚矣
而詩之工滋不驗始信乾坤清氣造物者不輕以畀人
以其得之之難知養而成之之尤難也海寧吳先生槎
客早歲卽以詩見知於浙西諸名宿凡浙西之士稱詩
者無不交口推吳先生蓋四十餘年矣先生擁書十萬
卷沈酣偃息於其中梳爬剔抉芒角四出積前後所得
千餘篇常欲然不自以爲工也性耽山水獨攜一童奴
汎舟茗雪或由吳門達於荆溪舟中雜度古畫畫鼎彝
佳硯之屬客至則出以相娛間遇勝流與考證古今辨
析疑義停驂輟棹彌日不能去尤汎愛樂易雖窮櫛下
士亦皆敬禮客接之以故士無賢不肖咸樂親先生或
疑太邱道廣要不盡然也昌黎韓子有言上界眞人足
官府豈如散仙韓管輅鳳終日相追陪然則當吾世如
先生雖上界神仙之樂不以易之況人間將相苦心勞

神者可得比並乎宜乎詩之不期工而工也予嘗戲語先生得於天者厚矣又必雕鏤煙月以與世之窮者爭名且終歲仰屋著書搜採叢殘不貸毫末此空疎淺劣者之幸自暇逸而胸有千古反不能自適其適也先生笑而不答曰子姑爲我序之荆溪同學弟張衡拜譔

拜經樓詩集序

愚谷藏書

錄舊稿自序

憶自羈卯之歲輒性耽聲詩三百篇而外凡古今諸名家集多方構致日夕沈吟探討幾廢寢饋稍長出與當世詞人學士相游從見往復酬唱之什益心慕之間或竊效其所爲然而少陵氏有言佳句法如何而予於法未有得也老境漸於詩律細而予於律未盡諳也故所作都弗工旋成旋棄或爲人持去便不復措意忽忽數十年來學業頽隳同輩多聚散靡常存歿參半自顧且皤然老矣回思向時文酒之流連與夫人事之遷改欣戚之殊致無異前塵夙夢未嘗不爽焉自失而二三朋好猶往往能舉其單詞子韻用爲談笑之資噫是亦可慨也夫聞之詩以理性情韓子曰性者與生俱生也然則予之詩以爲不得於法與律也可以爲非性若情之所寄亦奚可矧夫歲月與之偕往而心力於焉是耗又烏忍終寘之若孟氏之墮甕哉暇日因從故紙敝篋及所能憶記者稍事哀香得古近體如干首釐爲如干卷曰拜經樓詩稿姑藏家塾以俟後人譬諸博奕猶賢乎已設以爲自來攻是道者恆少達而多窮舉凡予生平啾啾侘傺坎壈不得志之所爲而一委之夫詩是則予之所甘而非詩之所受也

拜經樓詩集自序

愚谷藏書

乾隆五十有七年歲次壬子冬十月兔牀山人書於拜經樓

拜經樓詩集自序

愚谷藏書

附書二通

頃晤友人知詩集編定付梓曷勝翹忭大作典雅清麗
洵足藥空疎而式浮靡一起詩學之衰竝望刻竣即先
覩快讀也

記初白先生有云將來我輩人人有集牽連附書必有
傳者拙作詩彙未能付梓所以亟望大集之刊行也

松霽周春

拜經樓詩集

愚谷藏書

拜經樓詩集總目

卷一 起乾隆乙酉盡甲午

古今體詩六十六首

卷二 起乙未盡丁酉

古今體詩七十首

附 詩五首

卷三 起戊戌盡壬寅

古今體詩一百八首

卷四 起癸卯盡乙巳

古今體詩七十二首

拜經樓詩集目錄

附 詩二首

卷五 起丙午盡戊申

古今體詩九十二首

附 詩一首

卷六 起己酉盡壬子

古今體詩八十四首

卷七 起癸丑盡乙卯

古今體詩一百二首

卷八 起嘉慶丙辰盡丁巳

古今體詩九十四首

附 詩一首

卷九 起戊午盡是年

古今體詩五十九首

卷十 起己未盡是年

古今體詩七十八首

附 詩三首

卷十一 起庚申盡是年

古今體詩八十三首

附 詩八首

卷十二 起辛酉盡壬戌

拜經樓詩集目錄

古今體詩一百三首

附 詩三首

通計古今體詩一千一十二首

附 詩二十四首

拜經樓詩集卷一 一起乾隆乙酉盡甲午

海寧 吳 騫 槎客

某氏別業

驛路西連睥睨長，樓舟亭畔勒游韁。一林紅杏尚書第，十里青山宰相莊。雲雨難形生反覆，恩仇偏要死衡量。行人爲指荒榛處，曾聽清歌遶畫梁。

雨夜虎嘯道中

渺渺衝寒路，悠悠數驛程。魚跳春浪闊，風激曉帆橫。戍鼓連雲斷，離腸帶酒傾。天涯同此際，白髮幾人生。

祝陵

拜經樓詩集卷一

恩谷藏書

處仁偉丈夫，英臺奇女子。三年共游學，所契惟書史。業成襁送荆，眷言還故里。音塵渺既絕，招恨終何已。昔爲山中雲，今作隴頭水。會合故無心，分流云自此。徘徊向空房，顚顚傷羅綺。錦書非拙裁，若爲附雙鯉。飲此長恨端，默默以之死。卽今埋玉地，冷落窮山趾。松柏解同心，楸梧失連理。冥漠黃墟間，哀鴻暮逾駛。玉魚亮難畱，芳魂嗟空委。情知粉黛假，況乃儒冠僂。春深巖碧鮮，秋晚蝶衣紫。幽魂竟誰招，女蘿弔山鬼。嘗聞三五夕，皓月虛窗裏。清商拂瑤徽，彷彿調宮徵。一鳴萬籟寂，再鼓悲風起。天邊有嬋媛，粲然啓玉齒。無以高山心，誤測求凰旨。

所前橋 盧九台先生故居在其側

境曲岡回，偃臥龍橋邊。誰復識英雄，千條急澗噴蒼雪。一道寒烟貫白虹，沙鳥猶啣西嶺石。漁舟幾繫故園風，閒來試語君家事。大抵功名逆旅中。

山塘卽事

吳山微雨後，芳草綠芊眠。十里無塵地，三春有恨天。管絃能醉日，羅綺欲生烟。見說樞宮裏，新來更黯然。

聞朱笠亭大令之喪歸自阜平詩以哭之 二首

常愁薄宦，脂河側忽漫招魂。翰水陽月下青楓，驚夢斷天邊。丹旄拂雲長，遺書尚說餘千卷。清俸何曾滿一囊。

拜經樓詩集卷一

恩谷藏書

此日黃公墟下酒，空憑隣笛話淒傷。

參差烟樹小園西，零落休言舊路蹊。鄭草再抽秋已晚，雲亭重到日偏低。碑畱故邑悲遺老，骨返新阡賴小妻。我亦素車應會客，傷心不忍聽烏啼。

桃溪歲晚雜興 二首

千尺虬龍雪洗青，一條寒玉漱溪亭。他年盡室荆南去，祇把銅官作畫屏。

竹裏柴扉掩夕暉，春前臘後足寒威。石橋西畔梅初放，有客騎驢薄醉歸。

歲初泊舟雙橋拓國山，碑連日風雪同舟皆有寒。

色戲占一絕示之

紫蓋黃旗又一時，殘碑荒藿最堪思。若教風雪廻孤棹，笑煞孫郎帳下兒。

團扇郎

流連復流連，顚顚羞相見。圓如秋中月，潔比凌冬霰。却爲合歡人，清輝銷一半。

烏棲曲

聞聞城頭暮，吹角角聲未斷。烏聲續昨夜梧桐，一葉秋飛入深宮。人不覺舞白苧歌紅蓮，長夜之樂何漫漫。美人醉起更舉酒，笑指陽山爲君壽。

拜經樓詩集卷一

三

愚谷藏書

江南樂

朝乘木蘭船，暮采雙頭蓮。蓮葉在江干，蓮花入江閣。本是同根生，如何不同樂。

五雜俎二首

五雜俎機中段，往復還彌相戀。不得已抽刀斷，五雜俎雙行纏往復還。卸泥燕不得已添長線。

燕歌行

秋風憐慄白，日沈蕭蕭木。葉辭中林玉，露塗堦蟋蟀。吟相思此夜，傷人心。歡日苦淺，別苦深。青驪一逝何鬢髮，前年君往天山陰。去年雲中寇復侵，賤妾榮榮守孤衾。

鈎澤不施塵暗簷室中有酒牀有琴爲君斷腸非自今。西飛願託雲間禽，千里爲我傳哀音。君如青松結遙岑，妾隨草滅安足尋。

龜雖壽

神龜雖壽曾不如蜉蝣，千秋彼日分此日。千秋苟萬物，其同盡又何舍短而與脩。崔巍崔巍置酒高臺，今我不樂來日奚爲哉。

統扇詞

團團合歡扇，製作本纖好。偶因揮使功，出入君懷抱。一朝歸秋篋，從此相見少。含淒望深殿，惟見雙飛燕。棄置

拜經樓詩集卷一

四

愚谷藏書

亦君恩涼風敢輕怨

擬古十四首

驅馬登西山，顧瞻維城曲。冠蓋沈蒿萊，浮雲日相逐。中有孤飛禽，自比鴻與鵠。矯首青冥邊，六翮炫朝旭。晨棲三珠樹，夕擬崑邱宿。安知天路遙，搏扶常不足。欲歸迷故林，雲羅紛在目。不如燕雀羣，恣食野田粟。

木落歲方晏，寒原暖霏雪。淒然感元化，當食不能咽。美人阻烟海，元珠日淪沒。吾道在鴻冥，茫茫誰識察。

呂梁昔未鑿，河水怒奔濤。嘗聞此中魚，跋浪升青霄。鱗鱗矜得意，雲泥誠自超。悠悠暴顯輩，鳴能援其曹。君子

重脩業慕義亦論交豈如夸皂子自比漆與膠翻手違
夙心傾欬起一朝不見齊三士殺身以二桃

鬱鬱陵上柏青青澤中蒲岌岌行游子馳騁窮五都抵
掌王侯前意氣馨萬夫片言取卿相顧盼驚里閭竭來
長安陌車騎咽四衢路人竊相謂彼今復誰與士生無
定論利智鈍卽愚鳧鶴終不齊造化孰能踰飛作摩天
翼落爲枯池魚虞卿豈不賢窮愁獨著書

白露泣秋阪蕭瑟日以深元鳥無留翼蟋蟀當增吟攝
衣步前除皓月婁盈襟時流不我待華髮忽見侵安得
采瓊蕊暫來崑邱岑宛宛彼姝子玉窗橫素琴一彈鳳

拜經樓詩集卷一

五 愚谷藏書

皇操散落瑤華音願言竟此曲此曲感人心賞音邈已
遠涕下誰能禁

我有鹿盧劍流傳自中古呼之飛挾胸壯士色如土世
無風胡子易免沈埋苦淮陰惡少年跨下何妨侮

馨馨谷中蘭濯濯窗下柳迢迢錦字書戚戚秦川婦與
我一心人離居何永久卉木幾枯榮帷房長獨守人疎
減故懽物棄增新垢不見長門宮嬌寵復何有蒼苔履
葦絕明鏡流塵厚回思金屋言不啻出諸口熒熒望燈
火歷歷陳杯酒獨有李夫人承恩及身後

洛陽三月時芳菲日夜新有梅獨先落欲避桃李塵桃

李非不妍妖艷動四隣那知輕風中轉眼失其春古來
高世士抱素道彌醇三旬九逢食豈不常苦辛於中苟
無嫌榮悴理則均夢周慨魯叟吾衰更誰陳安得杜蘅
草聊以遺斯人

皎皎西山月餘輝照我廬端居觀羣動寤言察盈虛朝
爲天桃子夕是春市徒富貴果何常攬涕增長吁

和風弄天雞東旭剝將開滄溟含一氣呼吸徒喧扈挂
席請茲始東游尋蓬萊道逢容成子乘雲戲九垓姮娥
揚妙音白晢如嬰孩手把青芙蓉邀我金銀臺惟昔秦
皇帝駕海何雄哉一梁役萬夫鞭血殷蒼苔未餌不死

拜經樓詩集卷一

六 愚谷藏書

藥成陽已成灰生爲萬乘尊沒爲山鬼吟餘威竟何在
咄爾令心哀

唧唧復唧唧顧影若有失結交空四海愁吟徒一室嵇
生作達流不堪尚餘七而我何爲者懶漫不自恤銀漢
清且淺寒至亦云疾牽牛多獨處匏瓜恨無匹人生天
地間志願誰能畢

步出國東門墟里何綿連不知公與侯遺宅此路邊高
臺雜枳棘飛閣巢鴟鳶從狗寶入鹿觸罕恩翻借問
道傍叟此人皆奚遷慷慨前致詞鬱鬱盛當年甲第擬
皇居出入傾里鄽身是椒房親子爲侍中官絲竹列後

堂羅綺盈前軒淫樂不知極災患迭相干綠珠豈既啓
黃犬空長歎豪強旋銷滅骨肉成灰烟始知此第宅本
是貧民田禍淫實天道威權安足論所以於陵子桔槔
常灌園

落日渡黃河慨然念鄉國以彼數摺蒲泛此千里色迴
風扇狂瀾流蕩將何極緬惟濟川才令我長臧臆
青蓮發華池皎皎臨朝露含芳而洗潔冀君時得顧凝
霜中夜至凄風興瑤臺不見雙青鳥憔悴使心哀草木
有本性後時差更出安能逐土遷如彼踰淮橘

過南樓感舊

拜經樓詩集卷一

七

愚谷藏書

南樓在小桐溪之上故相國陳素庵夫人徐氏舊居
也夫人名燦字湘蘋少攻詩文精續事長短句尤爲
世所稱相國得罪同徙遼左迨賜環後故第已不可
復問遂卜居於此日惟長齋繡佛初不問戶外事人
稱曰閣老廳比歲居人不戒於火堂廡悉成煨燼南
樓巋然獨存暇日偶過其下感而賦四絕句

合歡樹底北風涼玉珮曾霑萬里霜世外滄桑誰省識
妝樓猶在魏公莊

玉軸牙籤浩劫紛幾家風雨閉蘭薰自從一散天花後
不遣慈雲惹絳雲

三五如花十二樓繁華多付水東流西風燕子歸來日
滿地秋瓜憶故侯

三五如花樓十二不堪多
向死前空索庵感懷句也

雪後燕臺月滿池踰燈風調擅當時而今更有何人在
傳得傷心幼婦詞

湘蘇以燕京元夜詞擅名于時著
拙政園詩詞頃歲始爲之難梓

春夕對庭梅寄所知

芳月關良游蕭齋掩深竹冷冷竹間風夜靜逾芬馥感
茲花似雪思我人如玉殘月下西樓何時更同宿

吳興雜詠三首

弱魄迷歸路荒烟化寶釵天涯寒食雨應到石蒲齋

右明霞墓

拜經樓詩集卷一

八

愚谷藏書

竹葉覆幽亭天生盛下若年年秋月明山鬼來偷酌

右窪尊亭

林密蟬逾噪溪涼雨忽飛田家知不遠浮鼻一牛歸

右雪溪

張芭堂明經寫柳陰垂釣圖見贈二首

望塵孤雲逸興飛盟鷗狎鷺總忘機扁舟日暮歸何處
家在桐陰舊釣磯

虹橋秋柳自蕭疎著個烟波舊釣徒別有高懷誰會得

青山搖落雁聲孤

青山在
漱浦東

八月十五夜松陵對月寄懷祝雨亭孝廉都下

淪落天涯又水涯此身久矣信浮槎秋來甫里聲逾壯
月近垂虹冷自華玉屑流連思往事清砧哀怨屬誰家
知君薄醉荆高市坐看西山斗柄斜

十六夜虎邱寺玩月

流光不待客所失常俄頃誰知武邱山逸興尚可逞招
提雨初過月吐翠微頂迢然脊良宵迨此清境永崖巖
互顯晦湍瀨各分併天風掃巖桂綠雪平覆井我衣雖
云單未忍忽荒冷俯挹劒池流仰攀玉繩影開土音久
寂頑石呼詎醒坐來東峯上跡滅慮亦屏清猿爲誰啼
露鶴徒自警迴思昨宵時三五九端整不見捧心人蒼
烟故宮暝

拜經樓詩集卷一

九

愚谷藏書

吳門席上贈友人

要離塚畔解吳鉤絕域歸來素髮稠老去龍媒餘伏櫪
時平燕領失封侯金波自逐新游舫白紵偏逢舊主謳
莫惜尊前一沈醉明朝分散五湖秋

西溪晚渡

十月西溪水孤舟共遠天斷雲孤嶼外斜日亂鴉邊地
僻驚風峭山高落石圓前程更何處歷歷望炊烟

冬日同杭堇浦先生及友人集翠璫館

白石巖扉同隱淪淪增前數笏更嶙峋羅烟不拒投簪客

竹月能留臥簾人賭墅風流閒未厭銷寒情話晚逾真
西冷舊舊惟公在七子誰能步後塵

長河早發

范蠡塘邊客凌晨趣放船薄烟籠岸柳殘月淡湖天路
指征鴻外山橫曉鏡前東風最無力偏解別愁牽

六和塔

孤標撐遠空九級春嶽巢壯哉江天風萬里一掀揭苟
微大法王厥勢未易折緬惟經營初功與造化埒盤根
窮三泉作鎮雄兩浙蜂房環玲瓏蟻穴費蹴躡七星挂
北牖六月見南雪豈惟昏晝昧幾誤虹霓掣往者錢湖

拜經樓詩集卷一

十

愚谷藏書

龍風雨追列缺誤觸舍利光斬之以寸錢祇今西陵潮
欲至轉鳴咽浮生幾飄蓬出處一蟻蛭豈無掃塔衣此
志羌未決抽帆遲明發迴首空叫絕

六和塔本九級見咸淳臨安志

雨渡錢江却寄綠飲

飽挂輕帆出亂峯茫茫何處託離蹤銀濤打岸春三折
碧海枯天雨萬重脩禊蘭亭人已遠探奇宛委與徒濃
相知剩有孤飛雁尺素休辭一再封

鮑當以孤雁詩得名人稱鮑孤雁

富春

近游何處不沈吟至此真疑畫裏尋十幅曉帆依樹出
一江春水抱城深巖阿不改雲烟色霄漢空懸故舊心

祇有閒鷗知此趣浮沈隨意到如今

嚴陵夜泊寄懷祝夢花茂才雨亭孝廉

我交于祝獲二阮胸次常若橫湖江嗣宗狂瀾廻旣倒

仲容健筆鼎可扛有時矜才雨不下短兵突出相摩撞

戴山弟子先生必有後得此亦足驚海邦憶昔過我飲

山館晶神磊落堆羊腔悲歌擊筑屢屬和遠巡欲以偏

師降秋蘭結契青玉佩春草門雞花酒釭自從二子別

我去此物雖在塵滿窗而我飄萍無定在扁舟夜渡七

里瀧驚濤灑面夢不穩孤燈無焰青幢幢可憐越女天

下白哀絲急管隨隣艘人生意氣各有合蕭艾豈足知

拜經樓詩集卷一

十 愚谷藏書

蘿莊南陽真人昔未奮二蛇遊戲同愁春一蛇爲龍東

入海一蛇掉尾西吟紅布衣之交古所敦足加帝腹夫

何慢劉郎長者本大度雲臺博士徒喧喧早知貧賤愈

富貴何如烟雨同耕耨山高水長春寂寂西臺老樹號

崆峒欲緘遠意問天未安得鯉魚時一雙

江行竹枝詞二首

木蘭舟小撇波浮朝發衢州暮睦州直到錢塘分手處

與郎同賽廣陵侯

烏石灘頭送客風青山兩岸月當中郎行真似隨潮燕

半夜西飛半夜東

始新追悼方心醇明經

邑小無城郭民居近百家春風多掩戶寒食自飛花鎖

鎖溪航斷魂歸墓劍斜傷心徐孺子襟被又天涯

一百五日新安道中寄內

熟食驚心道路長飛花無力點輕裝家山尚阻齊雲嶺

生計真同水上航夜雨樓臺人臥病春風楊柳客思鄉

明朝試繪蘭江鯉定有機中淚數行

暮抵屯溪

不見黎陽戎屯溪信可憐風花度寒食蕭管咽春烟舊

國粉榆社新蕩玉几泉今青辨一醉旅思豁江天

拜經樓詩集卷一

十一 愚谷藏書

毘盧閣晚興二首

了無剝啄到巖扃剩有雲山入畫屏寸笏堂中疎磬寂

晚風隨意落空青

閒攜茗椀傍香臺雨過天青尚薄雷赤脚頭陀報何事

松蘿山上一旗開

發下汶溪留別宗八天衡

白岳秀南障汶溪渺東注飄飄遠游子駕言從此去舉

足念鄉國一步一回顧溪光送明晦寒烟引輕素不見

山中墓猶見山頭樹丁寧感父老握手踟歧路勸我強

加餐慰我長相慕同姓古所敦他人不猶愈所嗟畏會

怪復此分張遽東風作春陰江雨晚飛絮千載富鄉原是
是我吞聲處

古城巖

一邱彷彿小蓬萊半壁風雲亦壯哉江日有情穿霧出
巖花無主背春開客來放食跳朱鯁僧引尋題掃碧苔
若問汪王當日事六州兒女到今哀

題箕墩族人山樓

背倚蒼崖面石淙一間危閣萬株松憑誰繪我松窗下
看煞西南始信峯

宿浦口

拜經樓詩集卷一

古風藏書

夕浦維舟客悽然思不窮燈青疎雨外頭白亂離中失
侶悲沙雁含辛習蓼蟲山城清漏斷五兩又乘風

晚過嚴陵

客星畱故蹟弭楫問江潯不見先生面空傷此日心祠
邊雙鷺下釣處一龍吟水遠山長意寥寥自古今

舟抵江干以沙淤不能登陸夜宿梵村悵然有作
東歸千里儼朝昏一舍無端限梵邨未必懷沙能病客
祇應剪紙忘招魂郊臺暮雨銷金弩鼈子春流壯海臺
爲謝西湖漁釣侶肯容清夢到芳尊

吳下贈書林錢景開

載酒論文詎偶然雲烟過眼興幽偏春風楊柳曾千古
夜雨江湖又十年宛委營生終遠俗琅嬛有路直通仙
何時小集羣賢了許我傳鈔劔石邊

南宋羣賢小集爲
臨安陳思所輯

拜經樓詩集卷一終

拜經樓詩集卷一

古風藏書

拜經樓詩集卷二

起乙未

海寧 吳 憲 槎客

瘞錢行

海鹽金粟山南村名楊殿耕者於雷雨後啓墜得古錢甚夥間有雷斧雜其間錢皆趙宋年號予構得二百餘枚土花繡錯極可愛玩惜不知何時所瘞賦此以遺好事者

軒葛立幣傳尊盧九棘爰開太昊墟高陽事與魯貨遠虞庭策馬何班如伐山鑄金代則有貴通百物流五都豈如末世乃成癖索腐買朽爭守奴甚或培埋作金穴

拜經樓詩集卷二

恩谷藏書

猶希沒齒私之孳生不布施死含珠多藏厚以理豈誣金粟山南金牛北往往寶氣騰扶輿人弗能知鬼先覺俄聞燕口雷轟車茂先雖志霹靂楔未言解作揮金鉏耕夫蛾集饒婦笑羣言天賜聲歡呼生砂活碧千萬計臨風盡作蠅蟻蚨銀灣野老亦好事以今易古當五輸子以今錢五易古錢一宋有當五折十錢攜歸笑倩蛇女數生計平添二百餘睛窗細檢開紙裹黃牛白腹勝五銖紀年略備宋一代百三十五形模殊錢諸宋朝錢凡惜無臨安鈔牌樣三寸紅綃垂鎗魚孔行素至正記宋季銅鈔牌長三寸鑄臨安府字有取爲鎗匙牌者聊同卽墨二吉化常充坐上賓朋娛子舊藏卽墨吉化二每爲鑒古所賞

轉憶當年瘞此客幾看華屋成榛蕪傾身尚爾思障籠癡魂未化神先徂昨夜夢中忽告我慎勿嗤笑愚夫愚君不見鄧通鑄錢富敵國幾曾持一歸黃墟

郭溪秋泛同仲魚

二首

高梧初葉下爽氣滿銀灣偶此同移棹殊勝各閉關晚風雲際雁秋色雨餘山永憶江湖上誰如爾我閒陰蟲何切切溪路轉悠悠書劍無長策琴尊耐薄游簾垂秋水店人倚夕陽樓好是蘇溪裏清歌緩客愁

臨平道中和仲魚韻

二首

瓶山秋色正蒼然一抹微霞帶遠天映得芙蓉人面好

拜經樓詩集卷二

恩谷藏書

晚涼初倚缺瓜船

萬慮含毫已渺然滄波同占白鷗天多情黃鶴應相笑

歲歲秋風一釣船

喜盧弓父學士歸自白下

二首

昔懷江左聯絲轡往與鮑君以文相約渡江奉訪以事未果今向山中問草堂書帶欣承萱露色詩囊欲解雨花香閒看鷗鷺來溪上不遺功名到枕旁早晚西風鱸可膾扁舟容與待滄浪時有過訪衡茆之詞

光嶽英靈海鶴顏風流文采詎能攀學探馬鄭諸儒後名在王楊四子間忽漫思親回遠棹悠然采菊見南山